

22 Nok ne kaghyadonghseradokenghdy nenkaweyen-nendaonh akwekonh eghdakeh yudohhetstaghkonh ne karighwaneren, ne neken ne rorharatstonh ne deweghdaghkonh ne Yesus Keristus onghdony ne aonwennon ne ne tho-neghdaghkonh.

23 Nok ne arekho shiyoh ne teweghdaghkonh, yonkwayadoghrarakonh ne naghtyawenraghtsera, yonkwadennhodonnyh ne ji-nonka teweghdaghkonh ne-e-se noghnakenkeh ne aonsayonkwade-nhodonkwaghden.

24 Ne wahhonny ne naghtyawenraghtsera ne wahhy ne shonkwarihhonnyenny ne nyaonsayonkwayathewe ne Keristus-neh, doka ne akarihhonny yadekakonde ne aonsayonkwayadako ne teweghdaghkonh.

25 Nok oghnaken nenshonwe ne teweghdaghkonh, eghkady natyakwarighwakdane o-nenh yaghdeseghshonkwarihhonnyenny.

26 Ikenh o-nenh akwekonh nise ne raoxhada ne Niyoh ne nentyakaweghdaghkonh ne Keristus-tserakonh Yesus.

27 Ikenh ji-nijonh ne sewatnekoserhonh ne Keristus-neh Keristus-na ronwayadare.

28 Yaghnaah dehhodiyadakaghdeh ne *Jew* yakhony ne *Greek*, ne deuhens e-naghskwa nedenhens yondadewenniyu yakhony deyakoyadakaghdeh ne ejin yakhony nako-nhegh-tyen: ikenh yesewakwekonh naah enskat Keristus-neh Yesus.

29 Ne kady doka Keristus-neh jadareghkonh, ise ky na ne Akwerent raoghnekwaghsa, neony ne akowenh ne entyoyanenhhave ne ji-nihhorharatstonh.

#### CHAP. IV.

*Eghdewayadare aghtyawenraghtserakonh ji-nenwe ne Keristus dentre.*

**N**ONWA KADON, Ne naah akowenghk, ji-nikariwes nexhaah enkenhake yahhothe-non thadekyatdihha ne jiniyught ne ronwanhase, ethosane royaner-kowah akwekonh:

2 Nok eghdakeh naah rodohhetstaghkonh ne jishakodirihhonnyenny nokhony ne radikoraghshon ji-niyenwaderighwihhewe ji-niyore yehho-nadonnyh ne ro-nihhah.

3 Shaden-yawenne ony nonkyonhha, nethone shidewaxhaokonhah, eghdewanaghskwayen eghdakeh nakonh ne jiyuweraratyese ne jiyonghwenjade: